

## Ander Kriegs- vnd BuszPredigt.

15

willen. Daß nun der H e r r das Jüdische Volck mit Kriegsvolck vberfallen lassen / vnd sie mit solchem feindseligen Kriegsvolck / wie ein Feind / gesteyper / ohn alle Barmhertzigkeit : Das ist geschehen vmb ihrer Missethat / vmb ihrer Sünden willen. Welches dann nicht gemeine Missethat / sondern Grosse Missethat / nicht geringe Sünde / sondern Starcke / mechtige Sünde. Dann sie in allerley grossen / schweren vnd mechtigen Stadt / vnd Landtsünden gelegen / dieselbige lange Zeit vberheuffet / vnd es damit so viel gemacht / daß der H e r r nicht vorüber gefont / sondern die grosse Missethat mit grosser Straff / diese starcke Sünde mit einer starcken vnarmhertzigen Staupe / heimsuchen müssen.

Diseher nun dem Jüdischen Volck weh / schrien vnd klagten vber den grossen Schaden / der ihnen durch solch Kriegswesen geschehen / vnd vber die grosse Schmerzen vnd Bedrängniß / so ihnen zugefüget / zürneten vnd murreren wider Gott den H e r r / der sie also vnverschuldter / vnarmhertziger weise schlage vnd züchtige. Drumb so verweist ihnen dieses der H e r r / vnd gebt ihnen zu erkennen / daß sie diese vnarmhertzige Staupe alle wol verdienet / er thue es aus keinem bösen Herzen. Was schreyest du vber deinen Schaden / sagt er / vnd vber deinen verzweiffelt bösen Schmerzen ? Hab Ich dir doch solches gethan / vmb deiner grossen Missethat / vnd vmb deiner starcken Sünde willen. Wil also hiermit / daß sie nicht vber ihn schreyen / zürnen vnd murren / vnd seine Vnarmhertzigkeit anklagen / sondern vber sich selbst / vber ihre grosse Missethat vnd starcke Sünde / schreyen vnd klagen sollen. Dann eben die / die / seyen die einigze rechte Vrsach / daß er sie mit so vnarmhertziger Staupe aus seinem gerechten Gerichte schlagen vnd straffen müsse / vnd damit haben sie es mehr dann gnug verdienet.

Klag der Jüden hierüber.

## Lehr vnd Erinnerung.

**W**ir haben hieraus zu lernen / Woher es komme / vnd was die eigentliche rechte Vrsach sey / vmb deren willen Gott der H e r r ein Land mit Kriegsvolck belegen / darin allen Vorrath verzehren / alles verhergen vnd verderben lasse / Nämlich anders nichts / als der Menschen Sünd vnd Missethat. Vnd zwar nicht gemeine / geringe sondern Grosse Missethat vnd Starcke Sünde. Dann so spricht der H e r r / der Gott Israel : Ich hab dich geschlagen / wie ich einen Feind schlug / mit vnarmhertziger Staupe / vmb deiner grossen Missethat / vnd vmb deiner starcken Sünde willen. Was schreyest du vber deinen Schaden / vnd vber deinen verzweiffelt bösen Schmerzen ? Hab Ich dir doch solches gethan / vmb

Was die Vrsache sey / vmb deren willen Gott ein Land mit Kriegsvolck belege.

zu Blatt

024

022

028

018

033

013

073

Ende

Anfang